



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Atrebaten. Episcopo & Cameracen. electo.

urn:nbn:de:hbz:466:1-20006

*ATREB ATEN. EPISCOPO
& Cameracen. electo.*

*Epiſ. 161.
Vt concordia
iusta, & bona
fide interposita
transactio ob-
tinetur.*

VIris religiosis, & his præcipiuè qui beati Benedicti regulam sunt professi, non credimus expedire, ut ocio claustralí postposito, contra instituta sui ordinis discurrant per curias seculares, aut secularibus negotiis involvantur. Inde est quod nos dilectorum filiorum Abbatis & Conventus sancti Vedasti Atrebaten, religioni & honestati consulere cupientes, discretioni vestrae per apostolica scripta mandamus, quatenus, si nobiles viri Comes Aionien. & Betunen. Advocatus à compositionibus quas idem Comes cum eisdem fratribus super possessionibus de Haspra. & pater præfati Advocati super possessionibus de Saillis & earum appendiciis voluntate propria inierunt, temerè resilire voluerint, eos ad observationem compositionum ipsarum, sicut sine pravitate factæ sunt & ab utraque parte receptæ, à nobis etiam confirmatae, monitione præmissa per distinctionem ecclesiasticam appellatione postposita compellatis. Nullis literis &c. ut suprà. Datum ut suprà.

*REMEN. ARCHIEPISCOPO
sancte Sabina Cardinali, & Abbati
sancti Remigij, & Decano Remen.*

*Epiſ. 162.
Vt Novio-
mem cum Epis-
copum tertia
decimam
parte conten-
tum esse & ve-
natione mona-
sterij S. Veda-
sti abstinere
jubent.*

Significantibus nobis dilectis filiis Abbate & Conventu sancti Vedasti nostro est apostolati referatum, quod Martinus quondam ejusdem monasterij Abbas tertiam partem decimationis de Moilaivis & de Ermaldmensil ab R. quondam Noviom. Episcopo recepit ad censum, & ei tantam se redditurum promisit annis singulis pensionem, quod reliqua duæ tertiae cum illa tertia vix sufficiunt ad solutionem ipsius, unde Ecclesia beati Vedasti jacturam enormem dicitur incurrisse. Propter quod venerabili fratri nostro Noviom. Episcopo dedimus in mandatis ut illa tertia parte decimationis prædictæ (sicut justum est) de cerero sit contentus, & Ecclesiam ipsam super exactio- ne præmissæ pensionis amodo non molester. Quocirca discretioni vestrae per apostolica scripta mandamus, quatenus si supradictus Episcopus mandato nostro parere noluerit, & præmissis veritas suffragatur, vos auctoritate nostra suffulti memoratum Episcopum sua tertia ma-

nere contentum, & ab Ecclesia supradictæ super exactio- ne pensionis illius molestatione cessare, sicut justum est, monitione præmissa per distinctionem ecclesiasticam appellatione remota cogatis. Si qua vero partium legitimè citata &c. facientes quod decreveritis &c. Nullis literis &c. ut suprà. Quod si omnes &c. tu frater Archiepiscope cum eorum altero &c. Datum ut suprà.

*ELECTO C A M E R A C E N S I,
sancti Auberti & sancti Gilleni Abbatibus
in Cameracen. dioceſi constitutis.*

VT loca religiosa & fratres in eis di- vinis obsequiis deputati violentiae non subjaceant laicali, sed instituta sui ordinis colant potius in quiete, specialis est eis gratia facienda, ne pro sui juris defectu secularibus immisceri negotiis compellantur, & ad curias discurrere seculares. Hac igitur consideratione induci, dilectis filiis Abbatii & Conventui sancti Vedasti Atrebaten, providere volentes, discretioni vestrae per apostolica scripta præcipiendo mandamus, quatenus si de malefacto-ribus suis per diocesanos Episcopos justitiam non potuerint obtinere, vos post trinam admonitionem eisdem Episcopis factam, malefactores eorundem fratrum ad exhibitionem justitiae per censuram ecclesiasticam appellatione postposita compellatis, facientes quod decreveritis per distinctionem ecclesiasticam inviolabiliter observari; nec sententiam in eos latam à vobis, nisi damna & injurias passis prius fuerit satisfactum, aliquis audeat relaxare. Volumus etiam nihilominus & mandamus ut cum ab eodem Abbatie & fratribus fueritis requisiti, ad eorum monasterium accedentes, quæ corrigenda fuerint in capite vel in membris, auctoritate freti apostolica corrigatis. Nullis literis &c. ut suprà. Quod si omnes &c. duo vestrum &c. Datum Romæ apud sanctum Petrum.

GRADEN. PATRIARCHÆ.

Constituti in præsentia nostra dilecti filij Iacobus & Olivierius numeri Clericorum plebanatus de Quinto, & dilectus filius Archidiaconus Tarvisinus, pro causa quæ inter ipsos ex una parte & Archidiaconum memoratum ex alia super jure ipsius archidiaconatus fuerat agitata, & tandem ad nos per

*Epiſ. 163.
Vt Episcopos
per centurias
compellant
monasterium
S. Vedasti con-
tra suos adver-
fatos jure tue-
runtur.*

*Epiſ. 164.
Vt causam Ar-
chidiaconi Tar-
visini contra
Clericos de
Quinto jure
dilemitur.*